



Mawi dijadual rasmikan Marrybrown PTS

GEORGETOWN – Penang Times Square (PTS) bersama Ivory Properties Group sekali lagi menghangatkan orang ramai dengan membawa seorang penyanyi terkenal ke pusat membeli belah terkemuka negeri ini.

Pengurus Komunikasi Korporatnya, D'Yani Ramoo berkata, penyanyi Mawi yang juga duta makanan segera Marrybrown akan muncul sebagai tetamu khas bagi pembukaan secara besar-besaran restoran berkenaan di PTS.



● Mawi bergambar di hadapan Restoran Marrybrown.

Menurutnya, orang ramai dijemput hadir bagi memeriahkan pembukaan tersebut selain berpeluang menyertai pelbagai aktiviti menarik yang disediakan.

"Ia akan diadakan pada Sabtu iaitu 12 Disember 2009 bermula jam 10 pagi sehingga jam 4.30 petang, serta semua aktiviti sepanjang hari akan diserikan dengan pertandingan bagi kanak-kanak yang sedang bercuti sekolah.

"Terdapat pertandingan mewarna, meniup belon, melukis wajah secara percuma, kemunculan badut juga akan didatangkan khas buat kanak-kanak," katanya dalam satu kenyataan.

Beliau berkata bukan itu sahaja, 'Michael Jackson' juga akan membuat persembahan pada hari yang sama bersama maskot Marrybrown.

Ibu bapa masih boleh membuat pendaftaran untuk anak-anak mereka bagi pertandingan mewarna di kaunter PTS sebelum 9 Disember ini.

Mereka berpeluang memenangi hamper yang disediakan Ivory dan orang ramai yang hadir juga berkesempatan mendapatkan baucar serta kad istimewa daripada Marrybrown.

Yani berkata, Marrybrown mula menjengah penduduk Pulau Pinang sejak dua bulan yang lalu serta menyediakan konsep segar dan bersih kepada pelanggan.